

四庫全書

子部

欽定四庫全書

子部

珊瑚網卷四十三

詳校官中書臣沈鳳輝

編修臣程嘉謨覆勘

總校官進士臣朱 鈐

校對官中書臣吳翼成

膳錄監生臣朱上林

欽定四庫全書

珊瑚網卷四十三

明 汪砢玉 撰

名畫題跋十九

唐宋元寶繪

董太史題籤計二十冊

宋以前大家都不作小幅小幅自南宋以後始盛又僧巨然筆絕少丈餘畫卷長卷亦惟院體諸人有之此冊皆北宋名蹟及吳興趙文敏之筆余於馬夏李唐性所

不好故不入選佛場也

董其昌

舊總題

王維雪溪圖

第一板

沈啟南先生題江山雪霽圖有曰平生所見沙溪孫氏所藏雪渡圖盈尺而已正此圖也或筆誤以溪為渡耳有徽廟御題有歷代小壘無復遺論當為希世之寶此冊開卷右丞營丘便足壓一世收藏賞鑒家知其不朽  
玄宰題

李成晴巒蕭寺圖

第二板

宋時有無李論米元章僅見真跡二本著色者尤絕望  
此圖為內府所收宜元章畫史未之及也右角有臣李  
等字余藏之二十年未曾寓目茲以湯生重裝潢而得  
之本出自文壽承歸項子京自余復易於程季白季白  
力能守此為傳世珍令營丘不朽則畫苑中一段奇事  
戊午夏五之望玄宰題

眉公妮古錄李成晴巒蕭寺文三橋售之項子京大  
青綠全法王維今歸董玄宰余細視之其名董羽也

此錄刻已久豈玄宰未之見耶乃玉林禠時在戊午  
春矣何又有此一番新話

子昂自題西洞庭圖

第三  
板

山之凹兮水之涯沙稜稜兮石礚礚有媿人兮如彼蘭  
蓀思之不來兮使我心痗

子昂自題東洞庭圖

合前  
共板

洞庭波兮山嵒業水可以濟兮不可以涉木蘭為舟兮  
桂為檝渺余懷兮風一葉

畫洞庭不當繁於樹木乃以老木緣岸楂枿敗株居然搖落湖天寥濶之勢從此畫出是子昂章法迴絕宋元處是構凌雲臺手 董其昌

子昂洞庭兩山二小幅各題以騷語四句全學董巨

川為玄宰所藏

此亦見眉公  
硯古錄

關仝雪圖

第四板

因觀王右丞雪溪圖始知此圖為王維伯仲 玄宰

朱芾雲山

第五板

此畫法謂之潑墨王洽作祖意老米時猶及見之不則  
米老雖狂無此大膽獨創也旁有薛氏家藏印殆是米  
老為紹彭墨戲者耶 玄宰題

倪元鎮設色圖

第六  
板

紫溪翁過甫里先生舉酒屬和而歌曰一丘之木其棲  
深也屋我容不辱一溪之石其居平也席吾勞以息一  
竇之泉其音清也絃吾方在懸得乎人得乎天吾不知  
所以然而然先生弁而賡之曰采江之魚今朝船有鱸



采江之蔬兮暮筐有蒲左圖且書右琴與壺壽與天與  
貴與賤兮歌與而

以下缺

至順三年春三月杪雲隱

倪珽書

余為希賢作此圖今已七年至元三年秋希賢攜以示  
余不復記憶因題詩於左方怡神息繁陰洗耳臨長流  
縱情邱壑間聊以寫我憂 璣重題

觀此圖知雲林子初名倪珽其書法初年精楷後乃  
流便雲林畫世無設色者此更一奇

倪雲林六君子圖

第七  
板

至正丙戌歲二月倪瓚寫

幾年曾識倪徵士能寫雲林作畫圖今日摩娑雙老眼

青山彷彿是東吳東吳趙淑

幾個臨流樹滄波落翠陰幽人不可見獨立望雲林

彥常

能與米顛相伯仲風流還只數倪迂應將爾雅蟲魚筆

寫此喬林澗石圖句曲外史

余家有荆蠻民喬林古木圖為天下倪畫之冠晚得  
六君圖亦堪鬪勝也 玄宰題

王蒙秋林書屋圖

第八板

元季四大家黃鶴山樵小幅絕少予有青弁圖為叔明  
得意筆晚而獲此圖莽蒼飛動入冊無復遺恨矣 董  
其昌

曹知白吳淞山色

第九板

一片吳淞江上秋澹雲涼葉思悠悠何時蓴菜鱸魚膾

却向先生畫裏遊 潘純

終南求捷徑少室索高價唯有嬾雲西山深無俗駕

陸居仁

曾雲西吾郡人與倪迂同時以畫相倡和山水師馮  
覲覲宣和時宦官大都似右丞之娟秀 玄宰

王安道蒼崖古樹

第十板

古樹蒼蒼楓葉丹此中別似一人間如何忽起思鄉念

不是台山是鴈山

無款元  
人題

王安道名履婁江人精於醫不讓丹溪訪藥秦中不  
得遂游華山作詩紀奇絕有華山圖四十幅尚在武  
揮使家王弇州先生曾令陸叔平摹二十許幅及俞  
質父錄其詩與序此圖細潤古雅非華山圖筆法更  
自超也 玄宰題

趙元山水

第十  
一板

趙善長畫師董元僅見於此 董其昌

商德符畫

第十  
二板

至正三年浴佛日鳳翔雲公以李廷珪墨見贈作此

元集賢商琦與子昂同時 玄宰

陸天游丹臺春賞

第十  
三板

江南風物軼飈塵天際層峰意出羣乳竇雨晴飛玉液  
顛崖露冷滾松雲丹砂勾漏何年受璫笈靈符此日聞  
借問安棲珠樹鶴山居如畫個中論 陸廣

陸天游徐幼文皆宗黃子久此圖尤天游善者機也

玄宰題

巨然山水

第十  
四板

僧巨然江山晚興卷宣和殿所收 董其昌

范寬江山蕭寺圖

第十五  
板無跋

郭忠恕摹王右丞蜀山圖

第十  
六板

卷後有宋景濂小楷跋余剪去謂恕先畫不一精此自

可物色耳 其昌

黃公望橫幅

第十  
七板

善士尚友尚論古人誦詩讀書如炙如親與善人居如

入芝蘭室久而不聞俱化而一之子好友珍閱簡書以  
褫以襲度之室廬有扁其顏辟諸芬苾玉明冰壺知非  
二物鹿鳴呦呦停雲藹藹匪今斯友交道之在 右芝  
蘭室銘楷書畫上

淳熙戊申余居是山夏初與二三子相羊瀑流間得芝  
草三偶相比如卦畫成華如蘭玉明冰潔洞徹照眼乃  
悟芝蘭者非二物也因銘錢氏芝蘭室故併及之至正  
二年夏五月望大癡道人黃公望寓雲間玄真道院造



又題象山先生玉芝歌

黃子久小楷如此逼古不減晉唐當行家而題畫右  
款草率具體竟掩其真書古人深遠善藏不必一一  
自見至如此畫之老以取力此書之嫩以取態皆變  
體也 壬子九日其昌題

大癡姚江圖

第十八板  
畫團扇上

子久之學米山能變米法故足並峙 玄宰

高彥敬山水

第十  
九板

元時以房山鷗波並稱趙文敏於高尚書數有題咏倪  
元鎮亦以黃子久不及房山為其脫畫畫師習氣所謂  
逸品也 玄宰題

梅道人畫

第二  
十板

吳仲圭學巨然自稱梅花和尚為已得其衣鉢如曹溪  
一派自許不小觀此圖非妄也 董其昌

此冊在萬厯丁巳春仲董太史玄宰攜至吾地余同  
項又新孔彰過其舟中得閱翌日太史挈雷仁甫沈

商丞至余家更攜黃子久畫二十冊與先子觀越宿  
始返之也後是冊歸程季白於己未秋余復閱於交  
遠閣已去馬文璧一幅元人著色櫻桃白頭翁鳥一  
幅補入王摩詰雪溪圖用五百金得之青浦曹啟新  
者又入王叔明秋林書屋圖太史因題其籤云今日  
始得加一唐字矣余時錄其題語未幾季白遭魏璫  
毒手其家裝還歛崇禎壬申冬間售於東倉王某  
并叔明青弁圖諸幅僅償千金未及原值之半也噫

十餘年間滄桑之變一至此人與畫殆相閱而成古  
歟 西吳龍惕子汪碩玉識於漱六齋

宋元名家畫冊

李成小卷得之光祿潘雲鳳趙大年對幅得之劉金吾  
禧荆浩一幅得之靖江朱光祿在明郭忠恕二幅得之  
顧中舍正誼趙吳興垂釣圖得之朱司成象言家名大  
韶余最愛吳興公及伯駒小景皆聞而購之共得百幅  
板之衆尤得此廿幅猶欲去朱銳曹雲西未有可易者

二十年結習之勤亦博得閑中賞玩人間清曠之樂消  
受已多東坡云我薄富貴而厚於畫豈人情哉然授非  
其人能不靳固瑞生有畫才少年篤嗜非耳食者因以  
歸之他日畫道成為余圖五嶽不負傳衣佳話 庚戌

十月其昌題

天啟壬戌元日至十有三日無日不陰雨水雪戚友相  
過皆噓呵瑟縮無少歡緒因發猛思拉徐潤卿汪玉水  
同兒亨過程李白齋樓煮茗團坐出觀董氏畫冊一一

評賞營丘古澹蕭瑟趙大年對幅一作近景林樾環繞  
一坡陀岡拾級而上作苦茆廊房通高閣可以眺望而  
下止沙岸平橋不知何適其一作遠景平林漠漠之下  
有三子母牛一飲水一伸項垂胡瞪視一蔽翳叢薄間  
極有態而隔水仍是半邊圮橋或云二幅相湊然無接  
紉處蓋蹟分而意合當時直寫所到與所見耳天真之  
趣虛搏之則散漫不屬實據之則逼塞可厭妙處正在  
虛實相構有意無意間昔人朝大年守宗禁不能遠適

有所貌染以為定是朝陵回也然妙境會心豈必在泰  
山喬嶽哉蘓米輩直用相嘲耳非篤論也王晉卿梧庭  
霜樾四五碧梧葉已脫盡綠幹高挺與石烟莎雨共結  
空寒之韻真奇作也伯駒花溪漁隱設色鮮潤子昂青  
山白鷺意象高華朱銳雪中驢綱種種纖備黃子久蒼  
率渾成董玄宰疑為北苑余謂未必曹雲西王叔明倪  
元鎮俱未確皆玄宰所欲去而未能者番覆諦觀間遂  
令神情酣暢如昔人暮春修禊清夜遊園各各滿志無

復陰寒凝沍之歎即黍谷召和不是過也吾輩樂此乃至不為寒暑所困豈復有疲厭哉 李日華識

前冊高頭此冊減半向在董處有大小冊之稱

董氏集古畫冊

共十四幅  
題者五幅

五代周文矩 一二

南唐顧闳中 三 荷葉如錢三月時幅巾藜杖一追隨爾

來勝事知多少惟有風標公子知

御書  
之寶

宋趙大年 四 趙千里 五



趙伯驪

六

蓮開宮沼年年盛香染斑衣葉葉新願借

琴音奏清雅薰風涼殿壽雙親

楊妹  
子題

宋夏圭

七

此幅畫錢塘觀潮圖乍見之即定為閻次平

及諦視始得細款於樹梢則夏圭也又復展之於石  
角中亦註夏圭名意禹玉自愛不欲以姓名借客者  
與然次平之去夏圭乃不盈咫尺矣 丁酉秋九月  
廿一日龍游舟中書玄宰

宋趙千里 八

宋趙希遠 九高宗題池上疎烟籠翡翠水邊遲日戲蜻

蜓

賜志忠

御書  
之寶

宋馬遠畫列子御風

十

劉松年

十一 十二 十三

馬麟

十四有細  
款臣馬麟

南望青山滿禁闈曉陪鴛鴦正差池

共愛朝來何處雪蓬萊宮裏拂松枝

御書  
瓢印

靖江朱光祿得婁江王敬美家藏畫冊九十二幅余購

之先後七年始得合併又汰其紙素渝損者及畫品不

甚超者與夫樓臺鞍馬花卉禽魚之非余所習者僅存

十有四幅皆唐宋名手神采奕然余所見海內收藏家  
畫冊甚多然非衆尤之尤也此本或無愧焉 董其昌  
題

婁江尚有王元美所藏宋畫冊四十幅逸季以歸王辰  
玉首有董元畫如大李跡餘皆院體梁谿嵇氏七十八  
幅惟李唐最精好余舊得三十六幅於長安以西園雅  
集伯時畫元章書為最趙伯駒畫杜詩次之後亦失去  
項氏頗無可憶者 其昌

唐宋元人畫冊 玄宰鑒定

春雨烏犍破綠疇牧童牽飲傍松楸而今洗耳無巢父

千萬休教飲上流

儉齋

題戴嵩  
驅牛圖

李贊華人馬衝雪圖

徐熙文禽戲水圖

巨然平湖舟泊圖

絹素

遙岑矗矗水潺潺茆屋松風畫掩關落日鐘聲來遠寺

行人初向石橋還 適齋

宋徽廟荔枝對幀

李伯時毛女對幀

趙千里卧雪圖 絹素

疎林茆屋掩閑雲雪瀑懸崖霽色新  
好是杜陵詩興逸  
蹇驢隨意樂行春  
適齋

劉松年田園樂二幀

馬遠觀瀑圖 馬麟奕碁圖

趙松雪山水 子昂二字款

陸瑾有山陰高會圖吳興此小景是臨陸瑾者  
吾松朱  
象玄司成家物 董其昌觀

盛子昭溪山拽杖圖

積水潛通渭連村不近城青雲浮野濶春氣與人清鶯  
響出幽谷琴歌非遠征客心在三益山水向人鳴雲

莊吳炳

盛子昭停舟觀鴈圖

秋色澹江渚晴林楓未凋遠村雲際擁孤島沼中搖鴈  
影雙翻水漁歌半倚潮停橈正回首霜信晚迢迢雲

莊吳炳

霞上寶玩

集唐宋元名蹟  
汪氏墨花閣甲品

唐詩緒言霞上開夫玉屑霏霏尚有天際真人之想況  
繪事洩胸中造化恍惚變幻不啻赤城上動金光沉綠  
綺夾月貫日綺散爛不收也玩之允宜寶之

荆浩交泰圖

第一幅在絹上絹  
細膩如南朝官紙

世論洪谷子畫為唐末之冠此幅得之於高友明水樹  
石蒼古三羊有生動之趣因相傳為交泰圖真有筆有  
墨不獨善為雲中山頂以山水崑門也

珂玉識

周昉採蓮圖

第二幅在緣  
古色闇然

傳稱仲朗長安人傳家閭閻善屬文善畫貴遊人物乃  
此雙女採蓮有穠麗之致而無豐肥之態是窮丹青之  
妙者也家藏已久尚有昉作折桂美人 王水題

郭忠恕寒巖積雪

第三幅絹  
素圖扇上

維陽郭恕先善畫師闕仝然少能屬文能篆隸非尋常  
工藝所及在周為博士入宋為監簿夫亦曼倩陸沉金  
馬門意乎卒之忤旨流登州中道尸解去吾於所作寒



巖積雪每想像其丰神不已 玉水識

黃筌八仙花

第四幅絹碎惟  
存花朵枝葉

孟蜀待詔黃要叔畫資諸家之善而兼有之故即一花  
而千年神彩依然不脫蓋其花竹師滕昌祐也然鶴師  
薛稷而時諺云黃筌畫鶴薛稷減價筌嘗畫四時花鳥  
於八卦殿鷹見畫雉連連掣臂蓋疑於神矣卒之隨孟  
昶詣宋闕雖愚賞不替而傷心忝離竟至不起其人品  
豈諸畫師所能及哉 樂卿題

崔白花下鷺羣

第五幅絹  
微染雪

余既有崔子西橫幅為桃澗雛黃極傳染之妙此則花  
枝紅蔭間一鷺雄者鼓翅相對呼其羣一鷺雌者伏地  
伸頸引其雛一雛啜母喙欲食二雛蹲倚若俟生動之  
趣儼然畫史謂白長於寫生尤工於鷺誠然哉余何幸  
獲此雙璧砢玉跋於三山草堂

李營丘江山雪眺

第六幅絹  
素斗方

繪雪者無非在峯頭樹杪積粉堆素而已斯則漬焦墨

成黠淡之色覺雪意恍然一云古人最喜畫雪如王摩詰  
林亭雪岫趙幹江行初雪關仝關山積雪宋徽宗雪  
江歸棹黃大癡九峯雪霽現在人間皆守常法惟李營  
邱作峯巒林屋皆以淡墨為之而水天空處全用粉填  
此其超衆長而獨自標奇即吾家江山雪眺變局也故  
當年吳功甫極珍此冊價頗不貲 樂卿

朱義桃村雨牧

第七幅絹  
素斗方

北宋朱義江南人畫牛得名作斜陽芳草村落荒閒之

趣雖望戴嵩不及亦自名家此為桃花村舍烟雨中綠  
蓑牽犢而過正義得意筆也 桃花潭水人跋

徐熙設色花鳥

第八幅在紙上對  
板為思陵御書

人言道院屬江西古一真人卧水湄可是瑞蓮花葉大  
載他書冊泛漣漪 御書

論畫者謂黃筌之畫神而不妙趙昌之畫妙而不神兼  
二者一洗而空之庶徐熙歟熙所作荷枝水禽於葉幹  
翎毛俱用金泥染倩殘芰焦色儼然奕奕生動真妙奪

造化寶鑑以其畫多在澄心堂紙上乃此幀瑩淨膩細  
所謂南朝官紙女兒膚也萬厯甲寅重九後余設湯餅  
會坐客出是冊為吳功甫物余以玉卮一犀觥二易之  
項又新程季白俱欲此前後數幅而未能奪余好也

### 玉水記

宣和帝御繪稻雀

第九幅  
在絹上

徽廟好書畫興學較藝如取士法由其天縱之妙得晉  
唐風韻尤注意花鳥是冊稻穗垂垂寒雀啄食點睛以

墨漆隱然豆許高出縑素幾欲活動一云用李廷珪墨  
所謂百年如石一點如漆也押字用天水葫蘆小璽御  
畫此幅亦功甫物先居用兼金得之 珂玉

趙子固水仙

第十幅在紙上有詩題對板

翠帶懸璫重淩波步步輕春深不成怨錦瑟夜無聲  
翠屏道人

冰肌玉骨照清波瑟瑟塵生襪底羅自是仙娥招不得  
滿江春雨夜如何 孟載題

避風無語步凌波  
翠壓輕綃鬱綺羅  
江上醉歸環珮重  
玉英香褪粉痕多  
鄭升

玉骨冰肌不染塵  
霜風凜凜倍精神  
凌波翠袖輕移步  
彷彿桃源洞裏人  
金溪陳安

良工筆意奪天工  
寫出仙葩玉一叢  
窅窕臨波何處去  
却將餘種媚冬風  
玉阜性閑

幾日東風雨乍晴  
獨騎官馬繞湖行  
詩成酒力都消盡  
人與仙花一樣清  
松軒

以下截去

翠袖金鈿白玉姿芳心無奈雨雲時陳王不作襄王夢  
解佩江頭欲贈誰

盈盈羅襪凌波靜淡白光含月色新香散蕊珠春寂寂  
却疑姑射是前身 徐賁

淡墨輕風玉露香水中仙子素羅裳雲鬟霧鬢無纏束  
不是人間富貴粧 歷山老人

金鈿玉質綠羅衣素襪凌波月下歸解道仙人誰可伴  
水晶瓊樹兩依依 倪輔



此係掛幅用價二十金得之馮氏裝冊時無端中截  
湊入其詩題滿紙不能盡留至今追悔不已

李公麟白描湘君湘夫人

第十一幅紙  
上有對板

伯時作畫多不設色此白描湘君湘夫人綰髻作雪鬆  
雲遠更細如針芒佩帶飄飄凌雲雲氣載之而行真足  
照映千古對題即書騷經二則款為嘉靖丙辰正月穀  
旦長洲文徵明篆於玉蘭堂 樂卿記

李晞古秋山策蹇

第十二幅絹  
畫團扇上

遙山耶遠水耶吾望其色浮浮然 玉水題

李唐青林盟礪

第十三幅  
絹畫扇

高宗嘗題其畫云李唐可比唐李思訓觀此信然矧玉

李河陽攜琴訪友

第十四幅  
絹畫團扇

傳稱李老筆意不凡年近八十猶待詔畫院是烟雲供  
養亦可作地行仙也 樂卿識於葯房

夏圭山雨欲來

第十五幅  
團扇紙上

溪雲初起日沉閣山雨欲來風滿樓其景象盡於禹玉

筆端矣 西吳菰蘆中人

馬遠松澗盟桓

第十六幅  
緙素上

松身墨痕堆起應用易水輕烟也畫法臻妙不必言

李迪楓林石壁

第十七幅  
絹小斗方

迪在孝光朝大有時名觀此何山水小景有不迨耶

吳仲圭北固風帆

第十八幅  
在絹上

揚子北固為米氏留意處乃得入梅花老手覺江山勝  
槩在几席間 千頃生識於采石磯邊

夏九山滄江釣叟

第十九幅  
絹畫團扇

至正庚寅九月七日九山夏考昌寫

畫題四  
字在前

觚不觚錄以畫當重宋而近忽重元價驟增十倍蓋取其氣韻勝也此幅氣韻大似倪迂

王孤雲龍舟

第二十幅  
絹掛幅截冊

至治辛酉夏月孤雲居士筆

界畫細整至王孤雲而極第龍舟為順帝所創乃至治間何以有此樂卿贅言

東坡云凡事不欲勝人而惟書畫當為勝事愚父子於萬厯間集諸名畫半出家藏半易諸友內得之吳功甫為多合選各自成冊自謂頗殫心力乃求其精妙如霞上寶玩者能幾何哉然東坡又云我操其勝則諸畫家皆負矣 樵李菴畫居士汪砢玉識

韻齋真賞

集唐宋元名繪  
汪氏家藏甲乙品

畫之鑒賞在人心目所會各有去取若此冊品別有我以為甲而人以為乙有我以為乙而人以為甲似未可

定然總屬真賞中無妨於甲乙之也畫冊向歲月香居  
右為自韻齋取風來絃自韻句內人於此習琴今歲東  
雅堂後為韻石齋竹懶翁以題所供靈壁總之為韻齋  
耳故名焉然松竹花影亦自寫韻不盡

關仝春郊遊騎

第一幅在縑  
古色闐然

山含嫩綠水拖藍桃李陰陰如欲酣  
畫橋香逕且停驂  
砑玉題關種團扇小景

戴嵩牧豎籠禽

第二幅在絹樹  
隙小款存半

畫牛自韓滉後為戴巡官及厲歸真裴文珣然裴寡合之性孑立於當年厲掉尾之圖見嗤於田父斯牛鼎足背立回顧儼然足為大武君傳神而童豎舍牧登樹以籠接蓄禽豈乎野趣幽然不獨畫牛野性也

劉松年秋林訪道

第三幅絹  
素斗方

結廬在山林訪乘秋氣新豈是讀易者抑亦草玄人

趙令穰荷亭美人

第四幅團  
扇絹上

柳亭面面撲香風無暑冰肌花映紅故是大年柔嫩筆

荷香清夏得無同 月香居士題

趙昌簷蔔畫眉

第五幅  
在絹上

畫史稱昌之所作不特取其形似直與花鳥傳神也

趙子固三香圖

第六幅  
在絹上

彛齋居士善水墨白描斯作水仙梅花瑞香清而不凡  
秀而雅淡望而知其為孟堅筆也 天門掃花人

陳居中絕塞嬉春

第七幅  
在絹上

嘉泰畫院陳待詔專工人物番馬此又多山坡綠野



楊士賢秋山松屋

第八幅 絹上

楊待詔多小景勁挺可取是圖石壁古松偃蓋屋宇幽  
人兩兩對坐廣除竹樹蕭疎間懸泉縈階下而遠山一  
抹外長空極目無盡誰云雄偉不逮郭熙耶 玉水

李唐山齋幽話

第九幅 絹  
畫團扇

竹扉臨石澗紅樹隔虛亭危岫如雲壓選騷對坐聽

蕭照松壑清陰

第十幅 絹  
畫團扇

蕭照性本知書善畫值靖康中失身綠林嘗掠李唐簡

其行索惟粉奩繪筆因叩知其姓氏雅聞唐名即辭黨  
隨之南渡唐感其生全畫以所能授焉紹興中待詔畫  
院賜金紫繇妙得唐之神也是圖森松絕壑梵宇高下  
其間遙山在天末如層波真景會意先筆游象外者乎  
鴛水松隱子跋於青人巢

夏禹玉瀟湘晚渡

第十一幅  
素小斗方

高低蘊藉筆寫出瀟湘色竹浪晚山橫歸帆不可息

馬遠獨酌吟秋

第十二幅  
在絹上

馬氏世擅丹青遠在院中尤稱獨步觀此作墨氣淡蕩  
洒然塵外足徵家學之妙

馬麟高山流水

第十三幅  
在絹上

人謂馬麟之畫不逮父猶夏森之於珪也遠愛其子多  
於已畫上題作馬麟此幅則為麟自款作撫琴者於高  
山流水間一松橫偃如虬龍蟠空筆意高古奚必借重  
阿翁延譽耶 平陽里不因人熟者跋

馬駸卿蘆汀泛月

第十四幅  
在絹上

駢卿不見畫苑在宋元名繪冊內為吳功甫鑒藏豈即  
興祖後裔耶淺黛如約眉迴瀾若截鐵篆寫千蘆景懸  
一月的是勝國以前筆也 千頃生識

錢舜舉得子圖

第十五幅  
在紙上

高懸碧玉枝得子是鳳實用賢則生者雪川筆寫出

管道昇竹石

第十六幅在紙上  
有沈周寶玩印章

魏夫人又再當年疏綺風情苔石烟濃淡墨痕眉嫵樣

倚身修竹總嬋娟

仲姬封魏  
國夫人

方流玉水子

梅道人溪山偕隱

第十七幅  
在絹上

余幼時習業藤花閣欲糊屏幃風父執沈澄甫以吳仲圭山水邊景昭花鳥二幅見遺俱碎如水裂邊畫遇颺即成烏有仲圭畫久湮廢紙內矣歷三十餘年始簡裝入冊依然梅老復生也畫亦有幸不幸歟 樂卿

黃子久江村漁樂

第十八幅  
在絹上

漁船相問款中流細雨風吹上遠樓不為江頭蝦菜事  
星辰昨夜應羊裘為魏塘徐舜舉題 秀水呂憲

王若水秋塘鷗鷺

第十九幅 紙  
上小斗方

澹軒花鳥竹石稱當代絕藝則自幼得趙文敏指授也  
觀淵此冊天機溢發肖古而不泥古者乎 脈望生

吳瓘梅雀

第二十幅  
在紙上

吳瑩之為吾禾人多藏法書名畫寫梅學楊補之頗有  
逸趣其寒雀爪啄更生動宛然不下錢玉潭也

宗禎戊辰春為先人窆厝費因出家藏書畫宋元代  
名蹟各百餘冊卷軸稱是并虎耳彝雉卣漢玉犀珀

諸物易貨裏事而古繪兩函尤時在念也至甲戌秋  
黃越石忽持前二冊來云得之留都俞鳳毛已售去  
十餘幅為王右丞團扇小景許道寧繪池草鳴禽句  
張擇端作興慶宮五王奕棋圖周昉折桂美人黃筌  
紅蜻淡竹花趙幹梨花趙昌月上海棠蘓漢臣貨郎  
担其閨人兩兩裝束即宋詞平頭鞋子雙鸞小也又  
二嬰鬪促織三孺子放風箏從訓養子石壁松亭界  
畫極工綴柱上細款三朝供奉李嵩錢舜舉牡丹雙

板梅道人折竹諸冊時越石欲余貫休應真卷為宋  
王才翁題偈馬和之破斧圖思陵楷毛詩吳仲圭寫  
明聖湖十景冊及本朝諸名公畫二十幅文沈落  
花圖咏長卷青綠商鼎漢玉兕鎮諸件余遂聽之易我  
故物即汰去其半不但頓還舊觀幅幅皆胡麻飴仙  
子矣 玉水硯玉

六法英華

集唐宋元名蹟  
汪氏漱六齋甲品

謝恭論畫有六法而首貴氣韻生動蓋骨法用筆非氣



韻不靈應物寓形非氣韻不宜隨類傳彩非氣韻不妙  
經營位置非氣韻不真傳摹移寫非氣韻不化又前賢  
論畫有神逸能雅之懸以定品格有軒冕巖穴之辨以  
拔氣韻乃所謂氣韻者即天地間之英華也六要六長  
俱寓其間矣余故取之顏其首云

梁張僧繇畫龍

第一幅  
繇方

余得水墨游龍一幅頭角崢嶸雲氣決漭絹素膩於紙  
幾如古髹斷紋玄宰太史見之曰此僧繇筆也所謂一

點睛即欲飛去者蓋僧繇在天監中以右將軍守吳興  
丹青馳譽於時此真骨氣奇偉規模宏遠與顧陸爭先  
者 永興汪珂玉樂郊甫識

唐李昭道金碧四景

第二至五  
幅俱繡素

余墮地時先大父明甫在松郡得此圖攜歸塵翳不可  
辨先君世賢即付裝潢善手搦以沸液絲理猶聯鮮彩  
頓復舊觀凡山川林麓樓臺人物在烟霞縹緲間用金  
碧輝映昭晰四時之景賞鑒家見之無不曰非小李將

軍安得有此一種家法 珂玉記

李昇林壑高賢圖

第六幅  
在絹上

成都李昇五代時以善畫著名此幅林壑幽閒人物高古傑作也 玉水題於凝霞閣南之釣雪舫

周文矩修竹美人

第七幅  
絹素  
團扇有對板

羽服翩翩縞袂新桃花如面玉為神若非解佩湘中女

應是天台第一人

禹泉夏曰瑚

應是宋  
元人

畫史稱周句容行筆瘦硬戰掣蓋學其主李重光書

法至畫仕女則無顛筆大約體近周昉而纖麗過之  
此圖是已廼南唐保大五年元會大雪別展曲燕李  
建勲徐鉉以下皆有倡和太弟集為曲燕圖御容高  
冲古主之太弟以下侍臣及法部絲竹周文矩主之  
樓閣宮殿朱澄主之池沼禽魚徐崇嗣主之雪竹寒  
林董元主之無非絕筆是人物尤周待詔所工也

硃玉跋

黃要叔錦葵

第八幅  
素團扇

余有黃少府所畫牡丹極傳染之妙茲錦葵一枝又灼  
灼如生豈師滕昌祐筆耶抑資諸家之善而兼有之也  
傾國名花與臨砌小艷有各極其致耳 玉水

米友仁山水

第九幅 素團扇

元暉擅家學故烟雲變滅林泉點綴草草而成不失天  
真蓋意在筆先正是古人作畫妙處 樂卿識

夏圭寒山行旅

第十幅 在絹上

禹王筆法蒼老而墨色如傅粉之色觀此良然 玉水

馬和之鵲奔圖

第十一幅  
絹橫披

馬侍郎寫衛風鵲奔章不寫宣姜姝事但寫鵲奔彊樹石動合程法覽之冲然由其胸中自有風雅也

又定中圖

第十二幅  
絹橫披

登丘相度得文公營徙之狀子來趨事得國人悅復之象其蒼莽攸鬱則樹之榛栗椅桐梓漆也定宿在中于以作室可想見矣此真千古句圖 樂卿

又干旄圖

第十三幅  
絹橫披

子子干旄建於車後兩服兩驂而維之正見衛大夫見賢之勤而彼妹者子罄折且前是欲以畀之之氣象耳衣折作馬蝗描古法昭燦如覩商周法物 樂卿

又載驅圖

第十四幅  
橫披絹

許穆夫人本無唁衛事故不作驅馬悠悠惟指其憂心馬而已乃猶作許大夫來告則以是夫人意中事故不妨象外描寫若馬工部之落筆飄逸倣吳裝法也右四冊為項又新所藏聞當時價值百鎰 珂玉

馬待詔春郊牧放

第十五幅  
絹斗方

蹀躞無須錦障泥  
柳絲不綰且長嘶  
落花好倩連錢色

寫出蕭蕭散牧蹊

平陽龍惕子題

楊妹子畫菊并題

第十六幅  
絹橫披有對板

莫惜朝衣准酒錢  
淵明身即此花仙  
重陽滿滿杯中泛

一縷黃金是一年

賜大知閣

有坤卦圖書  
楊氏畫記

楊娃為寧宗后之女弟  
故稱妹子以藝文供奉內庭

凡頒賜貴戚畫必命娃題署  
故稱大知閣然印文擅



用坤卦人譏其僭越王弼州以其字柔媚而有韻乃  
此畫亦清妍而有致第畫記稗乘獨遺之不得與建  
炎劉夫人希並垂為欠事希掌內翰文字善畫師古  
畫上用奉華堂印 玉水

李薊丘墨竹

第十七幅  
緜素圓扇

人謂息齋之竹真而不妙此則真而妙者也 珂玉識

趙松雪古木竹石

第十八幅在絹  
上水墨飛白

此幅得之於項氏為掛軸下有子京題云元趙孟頫子昂

枯木竹石 明嘉靖四十年秋八月購於吳淞張氏

項墨林真賞敝字號

柯博士山水

第十九幅紙上小  
單條嶙峋淹潤

至正三年夏五月既望作於香光精舍 丹邱柯九思

盛子昭赤壁圖

第二十幅絹素  
國扇有對板

白露橫江水接天百年餘興尚依然只今惟有江心月

曾照坡仙載酒船 虛菴

虎豹蚪鼉自滿胸却乘孤鷁汎秋風絕勝繞樹烏三匝

驚散江心一炬紅 荷鋤散人

天地間自然之文惟畫能寓其形而并載其理故自  
舜妹嫫始封膜繼焉形理無窮寫之不盡代不乏名  
家也余自霞玩韻賞後復整舊藏搜新得成冊正見  
畫無絕筆耳然欲出則子美囊空欲處則淵明瓶竭  
有如昔人所云飢不可以當食寒不可以當衣者夫  
亦以左圖右史形理攸關不難更書癡作畫癡乎

漫仕汪砢玉識

丹青三昧

集唐宋元名蹟  
汪氏家藏甲乙品

杜東原先生云繪畫之事胸中造化吐露於筆端恍惚  
變幻象其物宜足以啟人之高致發人之浩氣蓋繇丹  
青中得厥三昧耳余嘗見趙伯駒畫卷自題標之遂於  
六法英華後復將丹青別三昧焉

王右丞雪圖

第一幅繡素小單  
條上有舊題此款

偃曝談餘山水畫自唐始變古法蓋有兩宗李宗訓王  
維是也李之傳為宋趙伯駒伯驥以及於李唐郭熙馬

遠夏圭皆李派王之傳為荆浩關仝董源李成范寬以  
及於大小米元四大家皆王派李派粗硬無士人氣王  
派虛和蕭散此又慧能之禪非神秀所及也至郭忠恕  
馬和之又如方外不食烟火人另具一骨相者是摩詰  
雪圖足以冠斯冊矣 繡水汪砢玉

江參雪川秋意

第二幅 絹  
畫團扇

雪川為江參所居深得湖天之趣平遠曠蕩盡在方寸  
此則兼層巒疊嶂秋意無窮不下三衢崇蘭圖也

貫道雪川雪景

第三幅絹  
畫國扇

江郎形貌清臞嗜香茶以為生其寫彼中雪景高潔之  
況可想見其撫絃不彈時 駕水菰蘆中人

劉松年長樂清吹

第四幅絹  
素斗方

錢塘暗門劉在寧廟時以進耕織圖稱旨賜金帶此作  
宮中歌吹景纖悉在目未識曾經宸覽否 樂卿

又未央促塵圖

第五幅絹  
素斗方

劉待詔師張敦禮工人物山水精妙過於師如此圖焉

乃有以劉夢松劉松老混之不知夢松所長水墨花鳥也松老所學東坡竹枝也三人各自成家耳

黃居寀筍雀

第六幅 素斗方

伯鸞為黃筌季子能世其家學作花枝翎毛皆妙得其真寫怪石山景徃徃過其父宋太宗朝授光祿丞委之搜訪名畫詮定品目當時較藝者視黃氏體製為優劣去取是所寫筍雀特其一斑不足窺全豹也

蘓漢臣寫子卿持節

第七幅 素斗方

開封蘓承信畫師劉宗古製作極工人物尤著色鮮潤  
體度如生而有嫌以筆端微滯者豈但見其寫意草草  
如此圖者耶

魯宗貴寫黃鶯海棠花

第八幅  
在絹上

紹定魯待詔善畫花鳥窠石描染極佳是幅正所長

陳珏觀瀑圖

第九幅  
在絹上

錢塘陳桂巖寶祐年待詔善著色山水人物

趙彛齋設色水仙花

第十幅  
絹橫披



瀟疎竹徑浥香顏疑雪疑梅冷韻妍冉冉碧烟籠玉蕊  
盈盈白月瀉金鈿不禁清露翩跹態每爾迴風綽約前  
自是凌波拾翠種倚闌幽伴恰相憐

咏水仙花

此砑玉髻

年韻語也見子固筆偶憶得題之

錢玉潭簷蔔畫眉

第十一幅  
在牋上

舜舉花木翎毛師道昌此幅工緻中有老意

吳仲圭山水

第十二幅  
紙橫披

至正三年春三月梅花道人戲墨

草書

梅花菴主是吾師水墨微蹤一一奇此紙拾他餘馥

去淡烟疎樹晚離離

沈周

小字即題畫上

黃子久山水

第十三幅絹掛軸因壞其上裁入冊

一峰每作畫必登樓觀雲氣變幻以為布置仙筆也

商琦集賢寫昇平宴意

第十四幅畫紙團扇

四海一兮烟塵清休徵至今品物亨原田兮膾膾灌木  
兮青青振鷺於飛兮肅肅黃鳥和鳴兮嚶嚶斯民兮何  
幸際時兮休明瞻彼樂土兮豈獨輞川乃知開元兮不

為昇平家給兮人足既安兮且寧以遊兮以息有觀兮  
有亭景山可仰兮流泉可聽朝夕晏晏兮逍遙百齡欲  
觀風兮此其徵猗歟帝力兮孰得而名 蘓伯衡 題德  
符畫  
上

倪雲林竹石 第十五幅  
絹單條

此淨名菴主墨妙也與吾家舊藏篝燈聽雨圖相似

曹貞素寒林白石 第十六幅  
紙橫披

至正戊辰九月作於常清淨齋 雲西老人曹知白

盛子昭秋林垂釣

第十七幅絹上  
有款武塘盛懋

魏塘盛洪甫善畫懋其子也世其家學而過之

林塘生竹石

第十八幅絹斗方  
對題失去詩錄存

翠羽風前葉秋聲雨一枝詩題春粉節裊脫玉嬰兒

陸天游破牕風雨

第十九幅  
紙橫披

四簷風雨晝昏昏小紙斜窻破墨痕翻得杜陵巫峽語

歸雲擁樹失前村 陸廣

倪端牧羊圖

第二十幅絹畫  
團扇一對合裱

高友明水嘗得宋元人畫冊內倪迂山水一方是最得意者即揭出獨裝一卷餘悉作交易去余因得其倪端二幅頗工緻然端國初人也聊以殿此 玉水

崇禎己卯春日姑蘓時思玄為姑溪楊翼真覓余夔雲石二畫冊宋元人掛幅刻期資余北征費仲夏余渡采石促之只償靈璧半百僅充行橐也秋中雲將倩赴約久稽索還原物余反快得安吾拙寧以清供易折腰乎為噴鉢一笑 玉記

珊瑚網卷四十三

欽定四庫全書

珊瑚網卷四十四

明 汪砢玉 撰

名畫題跋二十

宋徽廟題院畫冊

瑤臺無信託青鸞一寸芳心思萬端  
莫向東風倚修竹翠衫經得幾多寒  
右修竹士女圖

消受南薰一味涼藕絲新織舞裙長  
臨池試展淩波步

只恐紅蓮妬艷粧

右荷花士女圖

羅襪生香踏軟沙  
釵橫玉燕鬢鬆鴉  
春心正是芭蕉葉  
羞見宜男並蒂花

右芭蕉士女圖

軟繡屏風小象牀  
細風亭館玉肌涼  
含情學寫鴛鴦字  
墨洗蕉花露水香

右滌硯士女圖

濃黛消香澹兩蛾  
花陰試步學凌波  
專房自得傾城色  
不怕涼風到扇羅

右團扇士女圖

思陵題馬遠畫冊



桃李無言春告歸  
落紅如海亂鶯啼  
西村渡口斜陽裏  
渺渺烟波綠拍堤

閒來洞口訪劉君  
緩步輕抬玉線裙  
細白桃花擲流水  
更無言語倚彤雲

高山流水意無窮  
三尺雲絃膝上桐  
默默此時誰會得  
坐凭江閣看飛鴻

月午江空桂花落  
華陽道士雲衣薄  
石壇香散步虛聲  
杉露清冷滴棲鶴

不禱自安緣壽骨人間難得是清名淺斟仙酒紅生頰  
永保長生道自成

是畫竹下有冠者道士持酒杯侍以二童一鶴烟泉  
之間賜王都提舉為壽上有辛巳長印下有御書之

璽 唐寅識

思陵題畫冊花草四幀

香蜜裁葩分外工疎枝幾點綴雛蜂嬌黃染就宮粧樣  
香煖尤宜愛日烘 右蠟梅

寒花婀娜露凝香  
風葉搖秋鳳尾涼  
夢入畫堂銀燭下  
翠屏深處隱紅粧  
右修竹芙蓉

墨花垂兔穎千古尚  
漓漓翠羽風前葉  
秋聲雨一枝詩  
題春粉節綳脫玉  
嬰兒湘浦人何在  
空聞鳳管吹  
右  
墨竹

名出本南山來依瓊  
苑間陳主歌前樹  
楊妃醉後顏為  
嫌脂太赤故著粉  
微斑共言攀折處  
已獲寶枝還  
右  
雪中山茶

思陵題趙伯駒團扇月宮圖冊

清涼境界火雲藏但覺仙家日更長千歲壽松誰宴坐

星君午夜吐光芒 賜王都提舉

又題李唐畫冊

月團初碾淪花甌吸罷呼兒課楚辭風定小軒無落葉  
春蟲相對吐秋絲

又題馬麟畫冊

已過穀雨十六日猶見牡丹開淺紅曾不爭先及開早

能陪芍藥倒薰風

趙松雪山水二冊

子昂二字款

陸瑾有山陰高會圖吳興此小景是臨陸瑾者吾松朱象玄司成家物 其昌觀

錢玉潭仇書圖冊

兩兩挾策遊康衢聚戲不異同隊魚忽然兒態起爭競捐棄簞笥仇詩書 吳興錢選舜舉畫并題

吳仲圭山水冊

古藤陰陰抱寒玉時向晴窗伴吾獨青青不改四時容  
絕勝凌霄倚凡木 梅花道人戲作并題

又漁父圖冊

三詩不在  
前卷內

紅葉村西夕照餘黃蘆灘畔月痕初輕撥棹且歸與挂  
起漁竿不釣魚 梅老戲墨

點點青山照水光飛飛寒鴈背人忙衝小浦轉橫塘蘆  
花兩岬一朝霜

醉倚漁舟獨釣謠等閒入海即乘潮從浪擺任風飄東

手懷中放却橈

梅花道人畫師巨然多以船子和尚川撥棹詩題之  
吳門王文恪家藏其漁樂圖入妙品本與盛子昭比  
門而居四方以金帛求子昭畫者甚衆而仲圭之門  
閨然妻子頗笑之仲圭曰二十年後不復爾果如其  
言盛雖工實有筆墨畦徑非若仲圭之蒼蒼莽莽有  
林下風氣所謂氣韻非即玄宰題

盛懋溪山曳杖圖冊二幀

積水潛通渭連村不近城青雲浮野濶春氣與人清鶯  
響出幽谷琴歌非遠征客心在三益山水向人鳴雲

莊吳炳

子昭停舟觀鴈圖

秋色澹江皋晴林風木凋遠村雲際擁孤島沼中搖鴈  
影雙翻水漁歌半倚潮停撓正回首霜信晚迢迢雲

莊吳炳

曹真素疎林寒色冊



嘉定乙丑十月雲西曹知白

晴牕偶閱雲西畫今昔相殊感慨多桃李上陽春寂寞

何如古木老巖阿 子輿

鐵石根柯螭虬資質風雷忽來變化莫測 志古齋

雲西山水師馮覲亦似郭河陽家貲富盛而文采有  
餘嘗築臺以銀塗之名瑤臺月夜攜客痛飲倪王諸  
名士時為下榻以書畫相賞會焉

雲林春山過板冊

款云延陵倪  
瓚壬子春

狂風二月獨凭闌  
青海微茫烟霧間  
酒伴提魚來就煮  
騎曹問馬只看山  
汀花岸柳渾無賴  
飛鳥孤雲相與還  
對此持杯竟須飲  
也知春物易闌珊

自題

倪迂今已矣  
真跡在人間  
無限天然趣  
白雲滿遠山

楊士奇題

凝霞閣舊藏畫冊

愛荆居  
士鑒定

野水參差落漲痕  
疎林欹倒出霜根  
扁舟一棹歸何處  
家在江南黃葉村

東坡書李世南畫

襄陽松藩未曾乾十里瀟湘五尺寬樵徑不禁苔露滑  
漁蓑長帶水雲寒澄澄僧眼連天碧澹澹蛾眉隔霧看  
恐為醉翁當日寫平山堂上雨中觀希哲題小米雲  
山

雨後菰蒲翠色分水邊舒鴈已離羣杜陵對酒吟詩愛  
更憶山陰贈右軍靜學題崔白鶯

石根天矯出寒梢明月空山舞翠蛟散作江湖墨風雨  
曾隨海浪去南交

仲賓曾使  
交趾故云

大德二年春巴西鄧文

原題於寓意齋

李衍  
墨竹

帝子不沉湘，亭亭絕世粧。  
曉烟橫薄袂，秋瀨韻明璫。  
洛浦應求友，姚家合讓王。  
殷勤歸水部，雅意在分香。  
錢

選

右題自畫水仙花  
後有枝山二絕

罷散天花下，紫壇露橫秋。  
袂水鳴環凌波欲接君，王去  
又恐繁霜不耐寒。  
八斗才中畫洛神，翠羅輕颺襪尖  
塵。雪溪老子真能事，更比陳王寫得親。  
允明

勇決端為士，論怡青松黃菊是。  
歸時心中惟有方寸赤

巾下可無雙髻椎 句曲外史題吳興公歸來圖

木葉蕭蕭半欲空 竹竿裊裊不成叢 絕憐意匠經營處  
都在風烟慘淡中 王紱題

黃鶴不得意來棲珠樹 中仙嶠隱光輝萬里空 天風  
東海徐憲題前畫

聞有風輪持世界 可無筆力走山川 巒容畫作飛來勢  
丈室居然擲大千 吳鎮

蒼洲老樹碧山前 秋水茫茫一釣船 昔日畫師非俗士

東菑莊子在藍田 雲東逸史題

有竹之地人不俗而况軒窗對竹開誰謂墨奴能倒景  
一枝獨上紙屏來 梅道人自題

淇園一枝春雨足渭川千畝秋風高先生青眼對君子  
撫落吟鬚如鳳毛 允明題

淡墨淋漓粉節香清風彷彿見瀟湘一般紅杏沾恩澤  
別有濃陰蓋草堂 徵仲和詹仲和題梅道人竹冊

湖州逸法共東坡友石於今不可過一段天機真假際

詹公妙手即詹何 枝山和詹仲和題梅道人竹冊

樹欲化龍先帶雨 泉將歸海已如濤 直恐化人移幻境  
莫誇墨瀋與霜毫 祝允明題吳仲圭畫冊

湖州昔在陵州日日逢 人寫竹枝一段枯梢三作折  
分明雪後上窻時 顧阿瑛題竹冊

林木森森枝葉交 小亭寂寂似書巢 手中一卷 皇易

讀到先天第幾爻 京兆杜瓊題陸天游畫冊

石徑過雲棲鶴冷 松堂留客煮茶香 瓚題自畫

誰劖巖巖華岳根幽奇又見竹成文急呼米老拜石丈  
更喚坡翁友墨君 海漁題王荊明竹石

西門春如東門春九山鳳凰刺眼 黃孃人家花似錦  
白衣參府酒如銀 康夫題畫

花下拋書枕石眠起來閒嗽竹間泉紙窻石鼎灰猶煖  
殘燼時飄一縷烟 元僧覺隱題自畫

野市騎驢久涼風席帽人逍遙甘避地不肯問通津

艷愛江南楊補之每將尺素寫冰姿暗香疎影渾如舊



遮莫高樓玉笛吹 曲江錢惟善

題元人畫梅前五絕另題山水

老樹重開雪裏花 倚風臨水見橫斜  
馬蹄踏遍西湖路 誰識林逋處士家  
陋齋題前冊

江閣披風受暑降 蓮歌隔水送新腔  
小姬且莫遮團扇 老我懸眸正倚窓  
海西逸叟費昌題元人畫

縹緲霞衣玉女裁 珮搖華月下仙臺  
庭闌自是陽和早 歲晚碧桃千樹開  
元人題仙女圖

山中老樹秋還青 山下漁舟泊淺汀  
一笛月明人不識

自家吹與自家聽 元人題漁笛圖

竹樹色依稀蒼蒼擁翠微枝頭應帶潤疑是泣湘妃

元人自題畫古木竹石

古木昂藏怪石傍湘筠幾箇色蒼蒼歲寒共守冰霜操

絕勝春花鬪艷陽 尋樂 題前冊

雲根礫砢紫苔封老樹蒼蒼倚碧空相友此君同歲晚

不隨凡卉鬧春風 麟齋

鳳凰刷雨壓晴峯過雨湘江迥不同一日風雲從地起

化龍飛在九霄宮 翰林倪謙題元人畫竹

月白湘江寒風生悵幽獨何處結同心情人在空谷

李迪高啟題元人寫蘭

三吳吹殘集有儀霓裳縹緲玉參差月明花下如相見  
好似羅浮夢裏時 巢雲子題團扇梅月美人

半生無事傍烟霞策杖來追隱者家百舌鳥鳴山遠近數聲  
人語路橫斜鬱葱佳氣春長曉霞靄靄雲錦又華盡日凭  
闌天外看水光山色艷仙槎 豫章巢雲子題元人山水冊

可人山外更加山望遠朝朝凭玉闌樓外垂楊條又綠東  
風渾不放春閒崆峒太史題團扇山水

柳陰樓畔好青山拂拂南薰入畫闌一點紅塵飛不到  
清涼世界玉人閒步蟾子題前冊

樓臺突兀柳陰中樓外青山圖畫同此景不知何處是  
凭闌我欲納涼風艮齋題前冊

先君凝霞閣有畫屏二架面面俱宋元人筆一為斗方一  
為團扇各百葉如列廬山九疊屏又何有紀亮雲母武秋

琉璃也哉歷四十餘年屏畫漸霉脫至天啟丁卯余轉運  
山左聞艱旋里於讀禮之暇付湯子裝潢成冊一日屏山  
餘曲原厥所自取唐句屏山六曲郎歸夜也畫即前抄款  
識約半一曰藝圃晶英內多舊人臨本有題語者僅崆  
峒太史巢雲子數板餘選入英華三昧兩冊為小李金碧  
四景江貫道諸幅未幾病餘需參適徽友何秘書攜官  
揀數斤來正欲余屏山冊遂以相易迨己己秋納言姚公  
伯仲過余西垞閱畫品石欲得余白玉秋葵杯為陸子剛

所碾而未果時秋海棠盈庭敷艷徘徊玩賞不已數年  
後岱芝公乃倩錢君偕駱友天遊見訪言及藝圃冊因取  
質於姚司寇以宿所寓目也景珊瑚網至此追思當年一  
屏圖畫中援琴動操有衆山皆響之致今何如耶蕭子  
雲飛白十二牒雖尚掩映五松然或不能韞匱至徒四  
壁立猶百城自擁作書淫能免人揶揄哉珂玉記

宋元名圖

凡二十  
餘幅

李龍眠畫臧孫之母誨子子皮之姊諫弟二則

真蹟

米襄陽倣董源筆

閭次平小景高宗題云西來白水滿南池走馬池邊日暮  
時橋底荷花無限思清香乞與路人知又題繞池曳杖  
攜雙鶴架水澆花課小奴又汴榮題東風雙鶴啄蒼苔  
杖履從客一徑開分付澆花莫多水韓郎昨日染根來  
觀汴句非閭將仕筆明矣殆石城韓祐耶祐為紹興  
畫院祇候尤善寫生染色可並石橋王也何玉

馬和之棄瓢圖陶九成題

真蹟

劉松年耕織圖董玄宰題學丘文播真蹟

高房山畫李薊丘題玄宰云房山蒙古人其子避居吾松  
趙子昂畫馬尚在生題云王孫曾騎天廐驎每憶龍駒  
便寫真曹霸祇今那復得丹青剝落淚沾巾 餘為  
徐賁諸人所題 又吳興山水一幅

陳趙合作文敏公題云陳仲美戲作此近世畫人皆不及也  
南陽仇遠跋云大德五年辛丑秋仲仲美訪昂學士於  
餘英松雪齋霜晴溪碧作此如活使崔艾復生當讓出一



頭修飾潤色子昂有焉昔人有以千金換能言鴨者此  
雖不能言亦非千金而輕與是年除夕題於躬行齋

又詩云良工苦思可心降底事文禽不解雙欲採芳

華波浪濶芙蓉朵朵隔秋江

是幅水光  
小景殊佳

梅花老人漁舫圖

黃大癡谿山高逸圖

濶幅不  
甚真

曹真素樂陵溪山圖梧溪長老題云世治多福人時危多貴  
人貴人乃鬼朴福人真天民緬惟曹雲西生死太平辰高

秋下孤鶴想見美丰神  
莞菀露櫟間幽幽水石濱  
槩打甫里船角墊林宗  
中往訪趙松雪滿載九峯春  
酒名斯圖作何年  
援筆為嘅呻池廢餘野鵠井  
漂搖青嶺此幅係真蹟

貫酸齋松圖

未確

元元儀倣李營丘筆  
對板人物極似梁楷

盛叔章山水

倪迂寫雲石古槎

真蹟

方方壺作蒙天荒落

又作玄黃網緼松雨老人題

不見佳

張觀山水 款題樹身蓋國初人也

崇禎四年九月十六日徽友王規仁攜冊共唐搨臨江帖來賞菊夜話因留冊逾日飽觀研玉記

畫苑大觀

凡二十冊大幅高頭或橫披可作掛軸

五代關仝谿山烟樹 北宋人山水六橫幅

無款

趙昌鸚鵡圖

南宋李唐採薇圖

馬遠松岸高逸

元錢舜舉倣趙昌栢隼

王叔明秋暉閣眺

張伯雨做李龍眠四賢圖

黃子久雲壑幽居

至正四年春日黃公望送伯雨張

鍊師歸句曲山張肯題云玄洲別駕鬱龍從滿谷閑

雲護萬松癡老留圖瓊笈秘隱居懸誥玉函封

方方壺做僧巨然山水 雨窻談易方壺道人作於龍

虎山東方丈也

介山所寫一行在山內二行在山外

吳仲圭在竹圖 至正二年秋日張兄來儀訪我醉里

因寫在竹圖以贈之梅花道人

倪元鎮樂園林居 甲寅六月十日倪瓚

徐幼文澣墅草堂圖 西蜀徐賁作

做董北苑

陳琳倣夏圭竹岸漁翁

琳字仲美山水人物花鳥無不臻妙多資益於趙魏公

又雲林畫六冊唐六如題後云白髮蕭蕭迂懶生每將殘墨記經行名家孫子傳留得半紙千金不敢輕

韓君東齋頭得世傳倪懶小冊因為賦之時正德壬

申中秋晉昌唐寅書

前黃規仁持大冊來只十一幅後越石又持是冊來

則多比宋人六幅倪雲林六幅及趙昌馬遠二板也  
余欲易其半垂成而不果 玉水記

勝國十二名家

凡二十冊 庚申  
春仲烟谿堂重裝

神遊目賞 九十七公羽父忠

八分書  
引首

第一趙文敏大幅寫高松一雙小樹二幽人策杖過橋  
遶水抹遙山一帶淡墨蕭疎而腴澤子昂得意筆也  
自題云山重水複路縈迴杖策危橋暝色開定向月  
下改作越中尋賀老酒船何事未歸來

第二管夫人長明菴圖菴居曠野垣內有屋三層橫廊  
通門徑豎竿懸一燈所謂長明也傍有石蓮臺作施  
鳥食者垣外二長松下蔭又一樹參之門外坡臨水  
際水間有坡樹墨氣高古無兒女子態夫人款云大  
德九年冬十一月廿又五日仲姬管道昇作有比邱  
尼妙湛詩云松樹陰陰落翠巘一燈千古破幽關也  
知諸法皆如幻甘老烟霞水石間小行書題其上此  
尼想即菴畫中人也

第三趙仲穆著色山水款云趙雍為如泰作一朱衣人  
坐鷗首艙內列圖書茶具幃間懸葫蘆童子踞稍烹  
茗舟橫丹楓殘綠之下水草叢叢遠山疊疊坡作濃  
翠色絕無寒酸氣

第四亦仲穆潑墨成五樹森森臨澗

又是  
一格

第五黃鶴山樵為貞素寫句閉戶著書多歲月種松皆  
作老龍鱗淋漓酣暢足盡叔明逸致

第六為雲林筆自題云曠遠蒼蒼天氣清空山人靜畫



冥冥長風忽度楓林杪時送秋聲到野亭壬子七月  
十又六日寫於楓林亭中東海農倪瓚

畫間層山四摺中露曠地外繞七樹向水纖淨淡玄

得未曾有

時余展觀此幅不已越石云可折  
易也余瞿然曰若是則風雅罪人

第七一峯道人筆重山疊嶂間溪橋斷續屋樹團簇真  
欲界之仙都也

第八黃子久著色山水較前殊空曠征帆片片映帶漁  
舟大有氣韻

第九是子久淺色山水較前尤空曠青林紅樹點綴其間山上一徑有浮圖矗起宛然勾曲道中光景款云  
大癡學人

第十是子久雪景山前汀樹極蕭瑟閱之光搖銀海

第十一亦子久設色山水絕似高房山山中屋宇相向  
流泉山凹有蘭若作霞氣款云大癡辛丑秋七月寫  
為子茂清玩

第十二吳仲圭林密古剎杖藜者度石梁向虛亭墨氣

淋漓滿意歎至正元年春三月梅道人戲墨

第十三亦仲圭寫岼竹縱橫如風樹竹下泊舟坐一人  
大是荒率草芥自題云涓涓多近水拂拂欲宜山吁  
嗟此君子何地不容閒梅道人戲墨也

第十四曹知白著色畫高山藏梵宇下臨松巘山凹內  
石路層層外為溪橋一人策馬而來有奚奴相隨歎  
云雲西老人作於常清靜齋

第十五為丹丘柯九思山水疎林小寺殊簡曠歎云甲

中人日過白雲窻觀雪坐中可如道人徵畫遂試繡  
兒墨為之

第十六亦敬仲作秋林曉色絕壁半入天際下為重林  
林內一亭曠如也

第十七為扶風馬文壁做馬和之新柳濯濯可愛紅衣  
人坐釣船水邊嫩綠初放宛然早春景色

第十八亦文壁著色山水樓臺隱現岡麓相吞吐二賈  
舶小款落嶺側張憲題江閣臨汀夜泊船波光澹蕩

遠生烟蕭蕭落木砧聲裏翹首天涯月正圓

第十九方上清倣小米雲山款云方方壺為華林先生  
寫題云石路絕經過山雲自來去欲共麋鹿羣當在  
幽深處

第二十為武塘盛懋著色山水大松二株偃蓋石徑松  
下一曳杖人童子迎其前舒手似報幽事者坡外水  
紋縈迴境界絕可想後有總跋

余卅角時遂好繪事不減梁簡文詩僻嘗從先君過

順甫錢先生家縱觀名畫先生乃謂余曰收藏圖畫  
宋人不如元人之文采絹本不如紙本之綿遠卷軸  
不如冊頁之便覽今好事者所收冊葉皆絹本即馬  
夏劉李之輩難脫畫院俗氣余耽之者勝國名家恨  
不多得此冊余昔年在金陵時始得黃王者五幅後  
遇諸名公真蹟善價收之迄今三十年來彙成百幅  
內有絹素神脫者標出名次者標出人物無邱壑者  
標出翎毛竹石標出有俗態者標出所擇者凡趙松

雪以下十二家總二十幅為一冊可為勝國羣賢之  
墨寶也趙松雪近宋撮諸家之妙運於毫端有李營  
丘遺意筆法精微駢麗圓融管仲姬長明菴圖發景  
外之趣可謂運斤成風其子仲穆二紙落筆肖乃翁  
誠一門三絕千古偉人黃子久四幅皆倣董源毫鋒  
穎脫燦爛逼人絕代筆也後一幅古氣蒼然令人可  
愛王叔明著書圖大似趙氏之遺風無一毫塵相倪  
元鎮楓野亭疎林曠遠清氣若秋水之神吳仲圭二

紙墨暈神奇，變越績表迺巨然之門戶也。曹雲西著色雅淡，意趣有餘。柯敬仲二紙，筆墨超軼瀟灑，天然馬扶風二幅，大幅擬倣於和之，小幅近唐人而高遠。盛子昭逼松雪之神，方道士氣韻生動，前諸名家真凌跨百代可望而不可及也。癸巳十一月廿又七日。

漁隱主人金文鼎識

繪妙自余平生樂事，雖不能步武古人，亦能咀嚼個中旨味。其二十幅想自有而絕無者，余往時一聞勝



國名畫輒多方覓購常有贗本不值一笑者亦有好事家與余鬪勝致釀成非者長明菴圖迺吳郡高叔寶之物甚有厥名昔青城王道夫與余爭售成讐後其子汝玉與家兒同榜忝於年家後會間兩覺汗顏而已曩同俞樂泉過武林獲趙松雪柯丹丘畫及還舟次橫塘晚過戒心遊資罄失囊中無半文幸畫無恙欣然而歸過魏塘胡長卿處稱貸長卿同余所好留榻連旬出示名公書畫評隲真偽各半此長卿短於

隻眼也是日徵余寫漁舟圖淋漓盈卷稍有得意處  
長卿已故此卷不識歸何人矣品藻最不可輕視往  
往有高手偽作第觀其氣韻然必須多蓄古人真蹟  
披覽或自能動筆或潛心叅究深知遠趣方可賞鑒  
邇來好事者多耳食一見有名書畫不審而圖之可  
笑可笑此冊選元季十二名家自余生平寶愛之但  
愧不能追其萬一當為後來宗法者也 次年端陽  
前一日文鼎重題

金文鼎先生松江人永樂中以繪事名海內風流博古高尚不羣嘗見先生圖畫大得元人筆意余亦宗之此冊先生所選十二家二十幅各各品定無不臻妙先生目力高也今為御史徐同美所藏同美乃先生郎君禮部之壻攜來見示可為勝國名家一時之賞會良足快也 長洲沈周

畫冊以元季四大家為難余家藏百幅僅拔其尤物十八幅耳又有沈純父司馬之子久二十幅汪太學

景純嵇太學冲凡二冊宋元各半皆為畫苑之奇寶  
今又見此冊原為吾鄉金文鼎所藏文鼎畫入能品  
宜其具擇法眼差覺盛子昭柯丹丘未能作諸公把  
臂入林侶耳然已海內不再得矣 董其昌題

崇禎甲戌重九日歛友黃越石攜是冊至余家留閱  
再宿并示白定小鼎質瑩如玉花紋麤細相壓雲雷  
蟬翅蕉葉俱備兩耳亦作盤螭圓腹三足鑪頂用宋  
做白玉鸛鵲鳥木底有篆書云夏鼎九象殷周稟焉

小大備物用知神姦孰是茲器貌玉表埏埴龍饗饗  
咫也序旃載其馨薌庸永日宣東陽識底後鐫曲水  
印章越石云項子京一生賞鑒以不得此物為恨索  
價三千金吾里有償之什百不肯售真希世之寶也  
其掛幅有李營丘雪景什襲珍重殊甚然視吾家山  
水寒林猶傖父也米敷文雲山茅屋太模糊王叔明  
一梧圖亦贗物南村草堂圖更惡甚惟文徵仲倣小  
米鍾山景太軸有氣韻上題云君家住近青谿曲流

水陰陰綠樹多最愛鍾山疎雨過白雲千疊擁蒼螺  
時越石欲余齋頭靈壁為漫興中名聽經鶯者以文  
畫相易余不割捨渠謂米家書畫船不可少此物遂  
強持去復示我宋榻閣帖硃繡白端硯坡仙雪浪齋  
綠端硯哥窑彝及乳鑪種種曰此皆定鼎之勝也噫  
昔沈不疑寓金陵杏花村有破定彝朱蘭嵎宗伯因  
名其齋曰寶定今越石之舟亦可名寶定而余新得  
舊藏唐宋元畫冊端可如蘓長公以寶繪名晉卿之

堂也哉雖然閱世愈深當如玉局作糞土視之而蓬  
壺諸勝乃是我師耳 重九後二日西吳菰蘆中人  
汪砢玉識

吳仲圭寫明聖湖十景冊

練素  
上

此冊曾見頃又新齋頭又新墨竹師法仲圭得其手寫  
竹譜廿幅天真爛漫真奇品也仲圭山水不多見一松  
石泉壑在余處一重林漁汀在池灣沈氏此冊又新不  
知從何得之蒼率簡易大都規模巨然豈揮灑風枝風

葉之後弄其餘潘耶又新墓木已拱偶於玉水處展閱不能無黃公酒壚之感也 崇禎己巳四月雨窗漫識


竹懶李日華

天啟丁卯歲余自歷下歸至冬得冊於又新家偶觀馮開之快雪日記有云己卯四月廿九日看項氏所藏法書名畫有趙千里丹青三昧圖馬和之毛詩十二段閏四月初一日看吳仲圭西湖十景冊文與可晚靄橫看高卷則斯冊見重於當時可知得後至癸



酉春余往婁江訪故抵蕪門顧友青霞招飲汗漫亭  
偶攜是冊在舟索閱欲得之而未果廼以易還故物  
為霞上寶玩竟并去此冊及今念之猶悵悵也 硯

玉記



珊瑚網卷四十四